

جریدہ عالیہ

مشیت جلیلہ اسلامیہ نک جریدہ رسیہ سید

صفر ۱۳۳۵

عدو: ۲۸

آیدہ بر نشر اولنور

اوپنچی سنہ

تبلیغات عمومی

بلا خرج اعلام و حجت اعطا ایدله می و کوندربله جک ضبط صورتلرینه
پول الصاقتدن صرف نظر ایدلسی حقنده

اعلامات و حجج شرعیه دن بعضیلرینک بلا خرج اعطا اولمقده و معاً ارسالی تبلیغات
واقعه اقتضاسندن بولان ضبط صورت مصدق لرندن بعضیلرینک اوراق رسمیه به تحریر و تمغا
پولی الصاق ایدلمکده اولدینی تمیزاً و رودایدن اوراق مطالعه سندن اکلاشلدیغنه و حالبوکه
او مثللو وثائق شرعیه نک خرجدن استثناسنه و دوائر رسمیه به کوندربله جک مذکور
صورتلرک بوله تابع اولدیغنه دائرهُ ماده قانونیه بولنمادیغندن بعد ازیں بلا خرج اعلام
و حجت اعطا ایدلیرک اصحابنک فقره حاللری سییله خرجی پشین اوله رق اعطایه غیرمقتدر
اولدقلری تحقق ایتدیکی صورتده خرجک محکوم بهک حین تحصیلنده محکوم علیهدن
تحصیل ایدلمک اوزره اولابده کی اصوله توفیقاً تأجیلی و اوراق تمیزیه ایله معاً و یا وقوع
بوله جق طلبه بناءً کوندربله جک ضبط صورتلرینه پول الصاقتدن صرف نظرله خزینهُ
جلیله بی و اصحاب مصالحی اضراردن توقی و مجانبت ایدلسی لزومنک تعمیماً قضاة کرامه
اشعاری مجلس تدقیقات شرعیه دن افاده ایدلیرک ایجابی اجرا قلنمش اولغله طرف
فاضلان لرندن دخی اکا کوره معامله ایفاسیله نسخ ملفوفه نک ملاحقات قضائنه اسراسنه
همت اولنسی سیاقنده شقه محبی ترقیم قلندی .

۲۹ ذی القعدة ۱۳۳۴ ۱۴ ایلول ۱۳۳۲

★ ★

یکرمی یاشنی متجاوز بولنلرله عائد اموالک علاقه دارانجه ایفا واستیفاسی تحقق
ایتدیکی صورتده تسویه قیدلرینک ضروری اولدینی حقنده

سن رشنه واصل اولان واله جقلرینی استیفا ایتدکلرینی افاده ایلیان ایتامک قیداً
کوریلان مطلوباتی حقنده نه وجهله معامله اوله جتی استفسارینی حاوی بعض محللر
قاضیلک لرندن وارد اولان محررات مجلس تدقیقات شرعیه به لدی الحواله علاقه دارانک
جلیله ستلری یکرمی بی متجاوز بولنلرله عائد اولان اموالک ایفا واستیفا ایدلیرک تحقق
ایتدیکی صورتده تسویه قیدلری ضروری کورلدیکی افاده قلنمش و کیفیت اموال ایتام

وبیت المال مدیریتى افاده سیله تعمیماً قضاء کرامه تبلیغ ایدلمش اولمغله طرف فاضلانہ لرندن
دخی بو صورتله معامله ایفاسیله نسخ ملفوفه نك ملحقات قضاتنه اسراسنه همت اولنمسی
سیاقده شقه محبی ترقیم قلندی .

۲۸ ذی الحجہ ۱۳۳۴ ۱۳ تشرین اول ۱۳۳۲

*
* *

اذننامہ لره پول الصاقی ایجاب ایدن ایکی غروشلق خرج علم وخبرلرینک
مقبوضلرینک رسومدن معافیتی حقندہ

بعض محاکم شرعیہ دن اعطا اولنان اذننامہ لره الصاقی ایجاب ایدن ایکی غروشلق
خرج علم وخبرلرینک الصاق ایدلدیکنی مین دوائر رسمیه مقبوضاتنه مخصوص یکرمی
پارہ لک رسوم مقطوعه پولی الصاق ایدلمکده اولدینی تفتیشه مأمور ذواتک اشعاراتندن
اکلاشلقمده اولوب حالبوکه اصلی بش غروش ویا آندن دون هر نوع تکالیف وسائر
ایراد قیدی لازم کلن مبالغ ایچون دوائر رسمیه دن ویریلہ جک مقبوضلرک بوکی رسومدن
معاف اولدینی رسم تمغا قانوننک یتمش طقوزنجی ماده سنک فقره ثانیہ سنده مصرح
بولدیغندن بعد ازیں مذکور فقره یه توفیق معامله ایله اصحاب مصالحک بیهوده اضرار
ایدلمه مسی لزومنک تعمیماً قضاء کرامه ازباری مأمورین قلمی مدیریتندن افاده ایدیلہ رک
ایجابی اجرا قلنمش اولمغله طرف فاضلانہ لرندن دخی اکاکوره معامله ایفاسیله نسخ
ملفوفه نك ملحقات قضاتنه اسراسنه همت اولنمسی سیاقده شقه محبی ترقیم قلندی .

۱۳ صفر ۱۳۳۵ ۲۸ تشرین ثانی ۱۳۳۲

*
* *

دوائر سائرہ یه عائد خصوصات ایچون مجالس اداره جه اتخاذ اولنه جق مقررات حقندہ
طوغروجہ دوائر متعلقہ سیله مخبرہ ایدلمسی حقندہ

ولایات و الویة غیر ملحقه مجالس اداره سنجه دیگر نظارتلره منسوب معاملات
ومأمورین حقندہ اتخاذ اولنان مقرراتدن شورای دواتجه تدقیق ایجاب ایدنلر مذکور
مجالس رئیسی صفتیلہ مأمورین ملکیه جه داخله نظارتنه کوندرلمکده وشورای دولتجه

ویریلن قرارلری حاوی مضابط دخی ینه نظارتجه ولایاته تبلیغ ایدملکده اولوب انجق اداره عمومی و ولایات قانوننک یکرمنجی مادهسی موجبجه و الی ومستقل .تصرفلر هر نظارتک وکیل و ممثلی بولملرینه بناءً دوائر سائریمه عائد خصوصات ایچون مذکور مجالسجه اتخاذ اولنهجق مقررات حقنمه طوغریدن طوغری به دوائر متعلقه سیله اجرای مخبره ایدلمسی دها قانونی و مصلحتیه موافق اوله جفندن بعدازین اول وجهله ایفای مقتضاسی تعمیماً ولایات والویه غیر ملحقه به تبلیغ اولندیغی داخلیه نظارت جلیله سندن باتذکره ازبار ایدلمسی اوزرینه کیفیتک برای معلومات تعمیماً قضاة کرامه اشعاری تنسیب قلمش اولغله نسخ ملفوفه نک ملحققات قضانه اسرانه همت اولنمسی سیاقده شقه محبی ترقیم قلندی
۲۹ صفر ۱۳۳۵ و ۱۲ کانون اول ۱۳۳۲

تذاکر و محرمات علیه

اصل مالدن ضم نفقه تقدیری حقنمه [۱]
بومثللو ایتامک نفقه لرینک اصل مالدن ضمناً اکالی مقارن جواز شرع عالی اولدیغنک فتواخانه عالی افاده سیله اشعارینه مبادرت قلندی .

★ ★

فسخ نکاح اعلاماتی خرجی حقنمه [۲]

فسخ نکاح حقنمه کی اعلاماتدن طلاق اعلاماتی مثللو خرج استیفاسی لزومنک مجلس تدقیقات شرعیه افاده سیله اشعارینه مبادرت قلندی .

[۱] بوبابده خداوندکار ولایتی مرکز قاضیلکنک تهریراتی صورتیدر :

ایجار کنورر عقار واملاکی وسائر صورته ابرادی بولنمیان بعض ایتام اموالی نمانسک نفقه به کفایت ایتمامسنه بناءً اصل مالدن ضم نفقه تقدیری ویا اذن شرعیه پاره طلب ایدملکده اولوب ایتام نظامنامه سنده دخی بوکا دائر صراحت بولنمادیغندن وفی الحقیقه غلای حاضر طولایسیله بوقبیل ایتام اموالی نمانسک کفایت ایتمیه جکی بدیدار بولنمش اولدیغندن اولنهجق معامله نک امر و اشعارینه مساعدت علیه حضرت فتوا پناهیلرینک بیدریغ بیورلمسی بابنده

[۲] بوبابده قونیه قاضیلکنک تلغرافنامهسی صورتیدر :

فسخ نکاح حقنمه کی اعلاماتدن هانکی ماده به توفیقاً خرج آلنه جفدنک استیذانه اجتناسار قلندی .

★ ★